



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ
SEKTOR ZA EDUKACIJU

PREDAVAČI
„ŠKOLA VANJSKOTRGOVINSKOG POSLOVANJA“
Sarajevo

Enes Ališković



Studirao na Ekonomskom fakultetu na 9 Eylul Univerzitetu u Izmiru, Turska. Posjeduje certifikate iz sljedećih oblasti: ekspert za ekonomske reforme i privatizaciju, ekspert za EU integracije, rukovođenje poslovima promocije izvoza na regionalnom i nacionalnom tržištu, međunarodna trgovina, poslovni protokol i dr. Glavni poslovi na kojima radi su organizacija i rukovođenje Agencijom za

promociju izvoza VTK BiH, organizira promociju bh. privrede, te surađuje sa DKP-ima naše zemlje u inostranstvu. Član je niza stručnih odbora i tijela vezanih za međunarodnu trgovinu. Također je učesnik mnogih seminara i radionica.

Prof.dr. Nenad Brkić

Doktor ekonomskih nauka. Redovni profesor na katedri za marketing, Ekonomskog fakulteta Univerziteta u Sarajevu. Bio je na pozicijama direktora Poslovne akademije, prodekana za postdipomski i doktorski studij, prodekan za nastavu i naučno-istraživački rad. Član je mnogih profesionalnih organizacija. Ključne kvalifikacije su: tržišna, medijska i društvena istraživanja, marketing planiranje i brand management, corporate & marketing communications management, te razvoj malih i srednjih preduzeća. Autor mnogobrojnih radova i publikacija. Također je predavač na seminarima i raznim edukacijama iz svojih oblasti.



Prof.dr. Snježana Brkić



Doktor ekonomskih nauka iz oblasti međunarodne ekonomije. Docent na Katedri za ekonomsku teoriju i politiku, Ekonomskog fakulteta Univerziteta u Sarajevu. Predavač iz oblasti međunarodne ekonomije, međunarodne trgovine, međunarodnih finansija, istraživanja i analiza makroekonomskih indikatora i politika, analiza vanjske trgovine, posebno intro-industrijske trgovine. Autor je nekoliko knjiga i poglavlja u knjigama, zatim univerzitetskih udžbenika i publikacija. Učestvovala na mnogim stručnim konferencijama i skupovima. Dobitnica srebrne značke Univerziteta u Sarajevu u toku studija.

Prof.dr. Elvir Čizmić

Doktor ekonomskih nauka. Vanredni profesor na Ekonomskom fakultetu Univerziteta u Sarajevu. Polja profesionalnog interesovanja su: menadžment, preduzetništvo, menadžment ljudskim resursima, finansijski menadžment, marketing, poslovno pravo, upravljanje projektima, organizacija, poslovno odlučivanje i drugi aspekti ekonomskih i poslovnih nauka. Učestvovao u realizaciji mnogih projekata. Dobitnik je Značke Ekonomskog fakulteta u Sarajevu. Autor nekoliko knjiga i mnogih naučnih radova u zbornicima, kao i poslovnih časopisa. Učestvovao kao predavač na mnogim obukama i seminarima iz svojih oblasti.



Elma Demir



Završila prirodno-matematički fakultet UNSA. Trenutno zaposlena u Ministarstvu vanjske trgovine i ekonomskih odnosa Bosne i Hercegovine. Radi na poslovima stručnog savjetnika za nadgledanje provođenja carinskih propisa. Glavni zadaci na poslu su vezani za nadgledanja provođenja carinskih propisa; praćenje i nadgledanje provođenja zakona i podzakonskih propisa radi jedinstvene primjene u BiH; pružanje informacija drugim stranama ugovornicama u bilateralnim i multilateralnim sporazumima o carinskoj saradnji uključujući i Svjetsku trgovinsku organizaciju (enquire points); praćenje međunarodnih standarda i domaćih propisa i njihovog tumačenja iz oblasti primjene pravila o porijeklu proizvoda u vezi sa preferencijalnim tretmanom roba u međunarodnom prometu; aktivnosti vezane za olakšavanje trgovine. Prisustvovala je mnoštvu seminara i radionica, a također je bila i predavač na nekim od njih.

Prof.dr. Anto Domazet

Prof. dr. Anto Domazet ostvaruje naučni interes na području globalnog marketinga i globalizacije, tranzicije i konkurentnosti. U nastavnim aktivnostima vodio je generacije studenata dodiplomskog i postdiplomskog studija iz oblasti međunarodnog (globalnog) marketinga, brand menadžmenta i teorije konkurentnosti. U svojoj karijeri obavljao je istaknute menadžerske funkcije u



Energoinvestu i javnom djelovanju kao potpredsjednik Privredne komore BiH, ministar financija i trezora BiH i zastupnik u PS BiH. Obavljao je u dva mandata funkciju direktora Ekonomskog instituta Sarajevo. Član je Odbora za ekonomske nauke Odjeljenja društvenih nauka Akademije nauka i umjetnosti BiH. Objavio je kao autor, koautor ili pisac poglavlja knjige Strategija diverzifikacije velikih organizacija , Marketing, Međunarodni marketing, Competitiveness and Export Potentials of Metal Sector in BH , Marketing, Strategija izvozne promocije BiH, Statistička (NUTS) regionalizacija Bosne i Hercegovine - primjena factorske i klaster analize, South Eastern Europe After the Crisis: A New Dawn or Back to Business as Usual,

Komparativna analiza konkurentnosti BiH ekonomije sa implikacijama za oblikovanje politika. Pored toga autor je preko 170 naučnih, istraživačkih i stručnih studija, članaka i drugih publikacija i većeg broja popularnih članaka iz oblasti ekonomije. Ostvario je više desetina domaćih i međunarodnih naučno-istraživačkih i istraživačkih projekata.

Prof.dr. Fatima Mahmutćehajić



Doktor pravnih nauka. Profesorica na Ekonomskom fakultetu Univerziteta u Sarajevu. Rukovodilac Centra za poslovno pravo. Polja profesionalnog interesovanja su: poslovno pravo, pravo elektronske trgovine i elektronsko poslovno pravo, međunarodno poslovno pravo, korporativno pravo i korporativno upravljanje, pravna i poslovna etika, autorsko pravo i pravo intelektualnog vlasništva. Član mnogih profesionalnih organizacija kao što su: član Arbitražnog suda, Vanjskotrgovinska komora Bosne i Hercegovine, član upravnog odbora Međunarodnog foruma Bosna, Bosnian Kallam Collegium, South East Europe Corporate Governance Academic Network, recenzent za The South East European Journal of Economics and Business. Autorica knjiga, stručnih i naučnih radova u zbornicima, kao i poslovnim časopisima. Kao predavač učestvuje na mnogim edukacijama i seminarima iz svojih oblasti.

Alexander Märdian

Njemački ekspert iz oblasti vanjske trgovine sa 29 godina iskustva u vanjskoj trgovini, promociji poslovanja i ekonomskom razvoju. Posjeduje veliko iskustvo o ekonomiji Bosne i Hercegovine, a u periodu od 2002-2010. godine bio je angažovan kao ekspert za vanjsku trgovinu i poslovni promoter na različitim pozicijama u BiH. Od 2012-2016. godine radio je za njemačku AHK (Predstavništvo njemačke privrede) u BiH, a trenutno obnaša funkciju savjetnika predsjednika Vanjskotrgovinske komore BiH.



Dr.sc. Igor Marković



Doktorirao na Fakultetu za saobraćaj i komunikacije na Univerzitetu u Sarajevu iz oblasti cestovnog i gradskog saobraćaja. Profesor je Visoke škole na predmetima: Promet i ekologija, Prometno i prostorno planiranje, Savremeni prometni sistemi, Tehnologija i organizacija javnog gradskog prometa, Prometni koridori i robni tokovi, Robnodistribucijski centri i terminali, Infrastruktura cestovnog prometa, Cestovnoprometna sigurnost s ekspertizama saobraćajnih nesreća, Prometni terminali, Prometna tehnika, Tehnologija i organizacija cestovnog prometa, Upravljanje prometom u gradovima, Sigurnost prometa, Ekspertize prometnih nesreća. Autor mnogih stručnih radova. Kao predavač učestvuje je na brojnim seminarima i radionicama.

Prof.dr. Eldin Mehić

Doktor ekonomskih nauka. Vanredni profesor na Ekonomskom fakultetu u Sarajevu. Predavač iz oblasti međunarodne ekonomije, transnacionalne korporacije, stranih-direktnih investicija, ekonomije u javnom sektoru, ekonomije životne sredine, međunarodnog poslovanja. Posjeduje iskustvo u istraživanju i primjeni ekonomije kod tranzicionih pitanja. Također, učestvovao kao konsultant u mnogim projektima. Autor je mnogih naučno-istraživačkih radova i knjiga koje se koriste kao redovna literatura na fakultetu. Kao predavač učestvuje na raznim seminarima i radionicama.



Maja Mehmedović



Radi u finansijskom sektoru u Bosni i Hercegovini preko 10 godina. Kao iskusna menadžerica, posebno je zainteresovana za strateško upravljanje ljudskim resursima i korporativni razvoj, a svoje iskustvo u mnogobrojnim segmentima poslovanja finansijskih institucija na dinamičan i interaktivan način prenosi drugima. Društveno angažovana, djeluje posebno u oblastima unapređenja ekonomskog okruženja u BiH, kroz formalno i neformalno obrazovanje, s posebnim interesovanjem za karijerni razvoj i poduzetništvo mladih i žena. Diplomirala je Ekonomiju na Wolfgang Goethe Univerzitetu u Frankfurtu, Njemačka. Govori tečno bosanski, njemački i engleski jezik.

Mr. Nermin Palić

Magistar saobraćaja i komunikacija. Koordinator za osiguranje kvaliteta (HEA) u Agenciji za razvoj visokog obrazovanja i osiguranje kvaliteta BiH. Menadžer za kvalitet (QA). Predsjednik Upravnog vijeća Visoke škole „CEPS-Centar za poslovne studije“ Voditelj odsjeka na studijskom programu PROMET. Predavač visoke škole „CEPS“ - Centar za poslovne studije u Kiseljaku. Predavač teoretske nastave o bezbjednosti saobraćaja na AMK „SUNCE“ Jablanica. Demonstrator na predmetima Planiranje saobraćaja i Regulacija saobraćajnih tokova na Mašinskom fakultetu Univerziteta „Džemal Bijedić“ u Mostaru. Autor je mnogih naučno-istraživačkih radova i nekoliko knjiga. Kao predavač je učestvovao na raznim seminarima i radionicama.



Zdenko Pehar



Rođen u Sarajevu 1964. godine. Po zanimanju je diplomirani ekonomista. Diplomirao na Ekonomskom fakultetu u Sarajevu 1989. godine, poslovana ekonomija, odsjek međunarodna razmjena. Nakon dvije godine rada u firmi "Transjug" Sarajevo, 12 godina je radio u špediterskoj kući "DTS-šped" d.o.o. Sarajevo, najvećim dijelom na poslovima pomoćnika direktora za poslove međunarodne špedicije. Nakon kraće pauze u špediterskim poslovima i rada za "BADEL 1862" d.o.o. Sarajevo, odnosno njihovu kćerka firmu "BIONATURA" d.o.o. kao direktor Društva, od 2009. godine zaposlen u SCHENKER d.o.o. Sarajevo, kao voditelj odjela prodaje i marketinga, gdje i danas radi. Osim osnovne licence neophodne za obavljanje špediterskog poslovanja izdate od strane Federalnog ministarstva trgovine Mostar, posjeduje i FIATA certifikat izdat od Međunarodnog udruženja špeditera iz Ciriha, posredovanjem VTK BiH.

Prof.dr. Almir Peštek

Vanredni profesor na Ekonomskom fakultetu u Sarajevu. Studij ekonomskih nauka pohađao je na Ekonomskom fakultetu u Sarajevu, gdje je diplomirao, magistrirao i doktorirao. Kao stipendista Fulbright post-doktorskog programa je u toku akademske 2014.-2015. godine boravio na Loyola University Chicago – Quinlan School of Business. Oblasti profesionalnog interesovanja i rada dr. Peštaka su: marketing, digitalni marketing, društveni mediji i turizam. Kao profesor je angažovan na RISEBA univerzitetu u Latviji gdje predaje "E-Business i New Media" i "Integrated Marketing Communications" od 2011. godine. Takođe predaje i „Social Media Marketing“ na Wirtschaftsuniversitaet Wien – Vienna University of Economics and Business u Austriji, te gostuje i na univerzitetima u Sloveniji i Italiji. Dr. Peštek je obavljao i dužnost zamjenika direktora Ekonomskog instituta u Sarajevu od 2008. do 2012. godine. U svojstvu konsultanta je bio angažovan u više od 120 istraživačkih i konsultantskih projekata za domaće i inostrane partnere. Učestvovao je i u izvođenju više desetina treninga i seminara iz raznih oblasti: marketing i marketing menadžment, digitalni marketing i društveni mediji, turizam, poslovno planiranje i preduzetništvo, itd.



Dejan Rakić




Pet godina radio u Upravi za indirektno oporezivanje BiH (Sektor za poreze), četiri godine kao poreski savjetnik u Rakić professional consulting s.p., a od 2014. do danas radi kao advokat, sa sjedištem advokatske kancelarije u Sarajevu. Ima položene advokatski, pravosudni i državni ispit. Objavio preko 100 stručnih radova iz oblasti poreza u svim stručnim finansijskim časopisima u Bosni i Hercegovini, stalni saradnik Saveza računovođa i revizora Republike Srpske, te koautor knjige Zbirka propisa iz oblasti PDV-a i akcize, sa primjerima iz prakse, 2010 i koautor

udžbenika Forenzika poslovanja, 2013. Prisustvovao velikom broju seminara iz oblasti radnog, građanskog, krivičnog prava, u svojstvu predavača i slušaoca. Predavač na mnogobrojnim seminarima i simpozijima iz oblasti direktnih i indirektnih poreza.

Prof.dr. Vedad Silajdžić

Doktor pravnih nauka. Vanredni profesor na Katedri za Poslovno pravo, Ekonomski fakultet Univerziteta u Sarajevu. Polja profesionalnog interesovanja se odnose na: Poslovno pravo, Međunarodno poslovno pravo, Korporativno upravljanje, Elektronsko poslovno pravo. Rukovodilac je Centra za Poslovno pravo EFSA, te zamjenik rukovodioca katedre za Poslovno pravo EFSA. Bio je član mnogih istraživačkih timova, ključni ekspert za pravne analize i izrade propisa. Autor mnogobrojnih radova i publikacija. Također je predavač na seminarima i raznim edukacijama iz svoje oblasti.



Prof.dr. Senad Softić



Doktor ekonomskih nauka. Doktorirao na temu „Simptomi i uzroci krize poslovanja preduzeća u Bosni i Hercegovini“. Polja profesionalnog interesovanja se odnose na: Menadžment, Krizni menadžment, Organizacija, Organizaciono ponašanje, Upravljanje promjenama, Vođenje firme, Poslovno planiranje, Analiza poslovanja preduzeća. Autor brojnih knjiga, univerzitetskih udžbenika i publikacija. Također je bio autor i rukovodilac

ekspertnih timova u brojnim istraživanjima i izradi programa, projekata, ekspertiza i ostalim aktivnostima. Bio je predavač na mnogim seminarima i kursevima. Trenutno obnaša funkciju guvernera Centralne Banke BiH.

Prof.dr. Veljko Trivun

Doktor pravnih nauka. Studirao na Pravnom fakultetu Univerziteta u Sarajevu. Predavač iz oblasti korporativnog upravljanja, korporativnog prava, privatizacije, javno privatnog partnerstva i drugo. Član je mnogih profesionalnih organizacija kao što su South East Europe Corporate Governance Academic Network, Senata UNSA, Ekonomski savjet Vlade FBiH. Njegove ključna polja interesovanja su: poslovno pravo, međunarodno poslovno pravo, e-business, e-government, vrijednosni papiri, privatizacija, te javno privatno partnerstvo. Dobitnik mnogobrojnih nagrada i priznanja. Kao predavač učestvovao na mnogim seminarima i edukacijama. Također, kao dodatnu profesionalnu edukaciju posjeduje položen pravosudni ispit, završenu obuku za stečajne i likvidacione upravitelje, trener trenera na programu EU Javne nabavke, te ekspert pri UNDP programu na projektima E-business, E-legislation i E-governement.

